



UNIVERSITÄTS-
BIBLIOTHEK
PADERBORN

Universitätsbibliothek Paderborn

Symma Practica Theologiae Mysticae

Gelen, Victor

Coloniae Agrippinae, 1652

Articulus Quintus. Regulae, axiomata, seu maxime quaedam generales mysticae ad exercitium omnis actualis operationis modi supernaturalis.

urn:nbn:de:hbz:466:1-9766

cum status Priuationis sit tantum im-
mediata dispositio ad status, & modos
supernaturaliter operandi. quæ propter
pia anima tanquam alter Angelus in
hac lachrymarum valle ascensiones in
corde suo disponat, & in quadam scala
mentalii per orbiculares motus alicuius
talii gradus ascendat, & descendat, di-
uinam bonitatem infinitam, finitis qui-
dem, sed multiplicatis actionibus, per-
lustrando, & amando; secundum illa &
similia quæ inferius latius deducimus,
per omnes paraphrases earumque arti-
culos. quod priusquam fiat, cum varia
accidentia fragilitatis humanæ, sicut
etiam extra ordinariæ quædam percep-
tiones mentales, subinde nonnulla in-
terijciant, ut in ordinata operationum
consecutione quandoque debeat my-
sticus non consueto modo procedere;
hinc consequenter subiiciuntur

*Regulae, axiomata seu maxima quædam ge-
nerales mysticæ; ad exercitium omnis
actualis operationis, modi su-
pernaturalis.*

ARTICVLVS QVINTVS.

Vbi spiritus Domini, ibi libertas. ac si
diceret, o pia anima, sicut plures
libros faciendi nullus est finis, ita etiam
multoque minus, per leges, institutio-
nes, regulas, aut mysticas doctrinas, in-
effabiles, & multifarij modi, quibus
Deus cum sibi chara anima, aliter at-
que aliter agit, complecti poterunt;
quamvis largo tractatu explicitur.

hinc pro actuali exercitio orationis
mentalis, puncta quædam notabiliora,
& praxi summe utilia, tanquam maxi-
mas quædam generales, axiomata, aut
regulas hoc loco, vbi de operationibus
pro Hie; & Nunc congruis agitur, ex-
trahere voluimus.

Et quidem primo sciendum est, ma-
ximam esse dependentiam spiritus no-
stri à spiritu diuino, iuxta illud psalmi-
stæ, quo ibo à spiritu tuo, baut quo à
facie tua fugiam. si ascendero in cœ-
lum tu illic es, si descendero in infer-
num, ades. si lumpero pennas meas di-
luculo, & habitauero in extremis ma-
rit etenim illuc manus tua deducet me,
& tenebit me dextera tua: &c. ac si di-
ceret, vbitunque fuero, tu o Deus ibi
es, & prior ibi habitas. cum enim Deus
creauerit hominem non tantum ad
imaginem, sed etiam similitudinem
suam ad imaginem quidem per intel-
lectum, & voluntatem; ad similitudinem
autem per tres operationes, intel-
lectus scilicet agentis, patientis, ac amo-
ris ab utroque causati; non potest non
pia anima, etiam necessitate quadam
naturali, ad Deum, vt ad suum princi-
pium, & finem suæ beatitudinis incli-
nari. præsertim cum in profectu spiri-
tuali, per dona supernaturalis scientiæ,
& maximè sapientiæ, sanatum animum
consecuta fuerit. tum enim tanquam
ex radice, ab ipsa animæ essentia (in
qua gratia Dei habitat) per prius in
voluntatem consortium diuinæ natu-
ræ; (vti proprius anhelitus, & spiracula-

Cc 3

lum

az.Cor.3. b Psal. 138.

lum vitæ) dein participatiuè ad omnes potentias, & omnem circumferentiam totius compositi humani, diffluet; amicitia Dei singulari ratione, facta particeps.

Secundo, licet hæc dependentia spiritus nostri, & diuini maxima sit; non tamen videri Dei essentiam in hac vita; etiam in Ecstasi, aut raptu. nam vel Adamum in sopore, vel Moysen in ostensione omnis Boni, vel Paulum in raptu Dei essentiam vidisse; in sacra doctrina difficulter admittitur: quantò minus in alijs visionibus, & illustratib; hisce inferioribus, ita ut hinc necessariò sequatur, loco claræ visionis essentiæ diuinæ, substituendas esse species, seu similitudines quædam diuinæ, quæ Diuini pulchri, & boni sint quædam simulacra, nil fœdi habentia.

Tertio; species has mysticas ad tres principales differentias redigi; scilicet expressas, resultantes, & infusas. expressæ sunt, quæ ab intellectu agente formantur, quando non passiuè, sed actiue, se habet ad diuina, ita ut pia anima sit principale operans, vt in actus exercitio, à dissimilitudinibus primo absoluï, dein charismatibus coelestibus perfundi valeat.

Quarto, hæc duo etiam in statu vñionis, & modo operandi supernaturaliter ad mensuram doni intellectus, sàpè difficultia esse. Primo quidem, quia intellectus tam citò non potest se expedire ab vsu phantasmatum, & imaginum, puta diuini parui, magni; aut di-

missionis alicuius scilicet latitudinis, longitudinis, sublimitatis, profundi, vel vbi, scilicet ita Hie, vt non sic alibi; vel situs, sursum, deorsum, antrotum retrorsum, sinistrorum, dextrorum, & similiū. quæ necessariò deseriri debent, priusquam pura contemplatio initium sumat. Secundo verò, quia nondum in quotidiano exercitio ad æquatè potest procedere: plus enim intelligit, quam actu possideat, & quæ perfectè diligat, per donum namque intellectus ordinatiè à longè prius videt, quod intra aliquot septimanas, aut menses tandem vt intimè vnum secum, possidet. Sicut autem hæc duo circa species expressas in statu vñionis sunt difficultia, sic in statu transformationis sunt facillima. ibidem enim vitalis gustus consortij diuinæ naturæ, per donum sapientiæ continuò præexistens, ab intellectu in instanti infatigabiliter, & admodum iucundè inspicitur, ab ripitur, & ab amoris præstantia facilè adimpletur; ita ut omnes imagines deserat, nec plus intelligat, quam diligat, & è contra; nisi quando ab amoris impetu intellectus operationes suppressuntur.

Quinto, resultantes species sunt, quando in actuali vñione eisque intellectus pertingit, vt mentis actiones deserens; vi, & impetu amoris extra proprium statum operandi dimouetur, dein postquam in optimo modo huius vitæ à Deo accipiendo aliquantulum hæserit, in primo instanti quoad mentis actiones iterum reuersus

uersus fuerit, excessui iam habiti di-
vini boni similitudine in se coexisten-
te, verbum pronuntiat; vt in secundo
instanti illicet intellectus agens iam di-
& i verbi pulcherrimam speciem fabri-
cet, sicut autem toties, quoties, pia ani-
ma ad amoris excessum dimota, cum
ad solitas mentis actiones dimissa tue-
rit, infallibiliter praestantissimum ag-
alma, & subtilissimam de Deo similitu-
dinem format; ita quoque toto suo
esse, vivere, & composito experitur,
nullas in Deo bene-afficientias per spe-
cies à nobis expressas, hasce vel à longè
accedere.

Sextò, infusæ sunt, quæ à Dei infu-
sione dependent. & à nemine alio im-
primi possunt. idēt̄ etiam cum sint ex-
cellentioris ordinis, piam animam vici-
niūs, & intensius Deo coniungunt, &
aliquando per saltum promouent; ac
citiūs in progressu spirituali proficere
faciunt, quam plures aliæ operationes
à nobis excitatæ. & quia à Dei gratuita
benignitate immittuntur, cum suum
præstiterint, tanquam umbra, cum de-
clinat, auferuntur: vndē etiam sta-
tum non mutant; sed cum disparuerint
earum effectus, impressiones, vitales-
que gustus; ad ordinarios operandi
modos redeundum erit. hæ porrò in-
fusæ, & à Deo impressæ species subinde
conceduntur, vel vt mala huius vitæ
fortius ferantur, vel vt virtutum ma-
iorem perfectionem causent, vel etiam,
vt amicitiæ diuinæ maiora signa susci-
piantur.

Septimò, non tantum speciebus re-

sultantibus, & infusis; sed etiam à nobis
per mentis actiones expressis, cum à
phantasmatibus, & dissimilitudinibus
depuratæ, & diuino odore vitaliter im-
butæ fuerint, utimur loco luminis glo-
ria; ita vt sicut sancti in cœlis, per lu-
men gloriæ ipsam Dei essentiam vi-
dent: sic etiam nos per similes species
Deum, secundum conceptum absolu-
tum, saltem in abstracto, & prout per
se est summum pulchrum, & Bonum;
simplici, & substantijs separatis con-
formi intelligentia iucundè videa-
mus.

Octauò, omnia quæ multifariè apud
mysticos leguntur, ad duo principalia
redigi. primò vel ad statum, id est, pro-
ut pia anima uniformiter diu, multoq;
tempore, vt plurimum operatur, verbi
gratia, ad mensuram doni intellectus,
vel sapientiæ. cum enim Deus via affir-
mationis, eminenter sit omnia in om-
nibus; & via negationis, sit eminenter
nil omnium eorum quæ sunt: prius-
quam per unum (verbi gratia) alcen-
sum, omnia de Deo transcendentia spi-
ritus neget; aut per unum descensum,
omnia de Deo vitali bene-affidentia,
affirmet; ac singularibus seu (vt ita di-
cam) paruis, & minutis mentis actio-
nibus, digerat; necesse est vt perfluant
dies, anni, & tempora. vndē hisce posi-
tis, quodammodo in mysticis actioni-
bus stare dicitur. Secundo referri vel ad
instantaneas operationes, prout scilicet
pia anima in exercitio actus, pro Hic,
& Nunc diuinis vnitur; & hoc s̄pè ad-
modum est laboriosum, quod in statu
aliquo

aliquo non est: semel enim adepto vno statu supernaturali, (verbi gratia vniōnis) habitualiter, & ad infimas, medias, ac supremas spiritus regiones, conformiter ordinariē se habet: in actus auctem exercitio, cum spiritus in instanti operetur, & liberum arbitrium volibili inconstantia feratur; nisi attentio per delectabile præsens, & possessionem ligetur, ad quævis obvia & alio distractientia, diuagatur.

Nono, Exercitium actualis vniōnis incipi non posse, nisi obtenta aliqua ex supradictis speciebus; aut extraordina- ria voluntatis, à Dco commotione præviè facta.

Decimo, in omni operatione, quæ post interruptionem, verbi gratia, somni, distractionis, aut operis alicuius indifferentis, primo incipitur; quatuor præcipue consideranda esse. primum est auersio ab omnibus, quæ cogitauit, amavit, odiuit, aut quidquid de- dum Deus non est, vel ad ipsum proximè, & in Nunc instanti non perdu- cit. vt autem talis auersio fiat, oportet omnium istorum tam validè obliuisci, ac si nihil in toto mundo esset præter Deum, & se. Secundum est formatio alicuius speciei, seu similitudinis diuinæ per intellectum agentem: cum enim ipsam diuinam essentiam, in hac vita clare videre non possimus, Deus se fingit ad imaginem menti contemplandam. Tertium est quando intellectus patiens, summi Boni pulchrum videns, at- tentione ligatur, & rationes ipsius Bo- ni intimius aspicit. Quartum est, quan-

do ab utroque intellectu in voluntate complacentia, non de alio aliquo, sed de summo Bono exprimitur, expressa renouatur, fouetur; vt frui concedatur. Et secundum hæc omnis actio mystica in initio operationis, primò purgatur, secundò illuminatur, tertio perficitur; idque facile, & ex naturali fœcunditate intellectus agentis, & patientis.

Vndecimo, Intellectus agens dum auersione ab ijs quæ Deus non sunt, & conuersione ad ea, quæ Dei sunt, se se purgare nititur; sàpè hoc ipsum pre- stare nequit, idque vel quod aliquid in creatura delectabile, attentionem alio trahat; vel quod speciem pro Hic, & nunc elicere non valeat. quod esto la- boriosum, & molestum sit; attamen bo- nis actibus, quibus contestatur quod Deus sit solus quem diligit anima eius, utiliter ad patientiæ meritum, & sub- secuturæ fruitionis præmium, se sedi- sponit.

Duodecimo, Has operationes intel- lectus, earumque purgationem, illumi- nationem, & perfectionem; fruitioni arcani amoris non aduersari; sed ad contemplationis quietem pertinere, otium falsum cauere, diuinum Pulch- rum, & Bonum minutis quibusdam actibus gustare, ac digerere, cum enim fruitio ad vim appetitivam pertineat, appetitus autem circa infinitum Bo- num, & Pulchrum versetur, insatiabili quadam esurie, mentis inescatio pera- gitur, & renouatur, per spiritus instan- taneas operationes; attamen continua- tionem fruitionis non interrumpétes: sicuti

Scuti nec visus à suo intuitu impediatur; licet oculus in momento, & primo instanti clausus sit, in secundo instanti vero, iterum apertus.

Decimotertio, quatuor esse notabiles vicissitudines, seu phæras quasdam cœlestes, in quibus spiritus instantaneas suas operationes, peragit prima est, per modum fundi, seu centri, intra se, in quo sub ratione collecti, circa æternum Bonum, & Pulchrum versatur; idque ex primo principio concreatae dilectionis, & inclinationis ad Deum. ita ut vel maximè hinc fluat admirabilis illa ad fundum, non tantum inclinatio, sed etiam facillimè inhæsio otiosa, operationes actuales, sine quibus nil boni agitur, suffocans. atque ideo circa hunc fundum sic versari quisque debet, ne spiritus operationes, in fundo silēti ratione procedentes, ante tempus suis functionibus destituat; sed ex fundo spiraculum vitæ, & primæ ad Deum dilectionis gustum capiens, spiritualibus operationibus perficiat, subtilizet, & sub uno intelligentiæ radio, conformiter ad substantias separatas eleuet. quemadmodum etiam sol, sic radios in globo, & centro suo continet, ut simuleriam usquequaque eos diffundat. Secunda est, per modum spiritus ad extra, & supra; ita ut suum ubi, & situs, seu extensio, in cœli altitudine residere videantur; & tum omnia transcendens, frequenter leuabit se super se. Tertia est adæquata dispositio, ita ut nulla sit differentia inter superiores, & inferiores potentias, sphæras, ubi, situsque, sed

in toto composito adæquate diuina benè affientia, perfundatur. Quarta est, quando remissè incedit, & nil singulare de diuina amicitia, neque in fundo, neque in spiritu, neque in toto composito percipit; sed tota harmonia consentiente, & quieta, est quod est; tali quidem inclinatione sese Deo portigens: in non autem vitali habere, etiam Deum reuerenter adorans, inquirens, ac circumspiciens, si illum, qui undique est, sub vitali vnione, & communione inueniat, foueat, possideatque.

Decimoquarto, simili inquisitione facile, ac etiam in minimis quandoque charitatis, aut pietatis operibus, piam animam inuenire, quo mediante de nouo amoris exercitium reincipiat. in modo namque operandi supernaturaliter, maximè per donum sapientiæ, diuinus radius, pijs mentibus semper benignè collucet; ita ut omnia quæ sunt, lumine diuinæ bonitatis resulgeant, tanquam atomi, qui nubilofo sole non videntur, at in radijs solis non tantum videntur; sed etiam tam splendidi sunt, ut licet alioquin præ sui tenuitate ne quidem videatur; tunc lucida pulchritudine mirè oblectent. hinc cum admiratione videre est, quod sacra doctrina, & prærogativa sanctitatis à D. o dignati præstantiores homines, post altissima quæque tam scholastica, quam mystica, in elementis fidei, & pietatis, verbi gratia, in oratione dominica, aut salutatione Angelica, indicibilem devotionem exhalent. & tum vel bestia

Dd

agri

agri glorificabit Dominum , ac ut est , magis perficiendi mysticos status ,
creatura Dei, infinitæ eius potentie me-
moriam subministrabit.

Decimoquinto , quando operatio aliqua à suo summo , seu intenso actu deficit , non semper illicò à prorsus noua operatione reincipiendum esse , sed ordinariè reliquias cogitationis diem festum agere , & vestigia quædam suæ eminentiæ in inferioribus potentijs relinquare : quæ etiam suo modo afficiant , & perfici velint . ne autem quis inaniter reliquijs hisce inhæreat , quantum in se fuerit , horum obliuisci , & de novo incipere conetur , ac si nil istorum habuisset ; quantumuis hoc ipsum ingratum esse videatur . interea verò si adhuc vitaliter , & non inaniter ; sed cum suavi mentis gustu reliquæ sublimium afficiant , ab illis reincipienda erit actualis unio , quoadusque non amplius vitaliter moueant .

Decimosexto , sicut in hac vita non est finis largitionis gratiæ diuinæ , majoris radicationis in charitate , renouationis sapientiæ supernaturalis , aut similiūm donorum , quibus Deo chara anima adornatur ; sic etiam nullus finis

est , magis perficiendi mysticos status , regiones , dimensiones , ubi , situs , ac instantaneas operationes , nec aliarum nouarum pulchritudinum à nemine ex toto explicatarum . in his enim omnibus , tanquam in spiritu Domini summa est libertas , ut meritò spiritus spiret ubi vult , & vocem eius audias , & nescias , unde veniat , aut quo vadat : id quod tamen sic non dicitur , tanquam si mysticorum scripta utilia , imò & necessaria non sint ; sed ut pia anima , sic omnibus , quæ ad nostram doctrinam scripta sunt , vtatur ; ut simul animaduertat , postquam similibus probè instructa fuerit , infinitum campum inexplicabilium diuinorum secretorum , ad huc superesse , ut in eo continuò spiritus rectus in imis visceribus renouetur , & semitam prudentiæ , & eloquij mystici addiscat . hisce porrò ad exercitium actus , necessariò interserris , ad status unionis medium regionem (in qua proprius spiritus , divinis illustratiōnibus perfunditur) declarandum , consequenter procedemus .

(* *)

3 Ifa 43.

ET